

**Bosna i Hercegovina
Federacija Bosne i Hercegovine
TUZLANSKI KANTON
Ministarstvo zdravstva**

**IZVJEŠTAJ
O RADU MINISTARSTVA ZDRAVSTVA
ZA 2007. GODINU**

Tuzla, april 2008.godine

IZVJEŠTAJ O RADU MINISTARSTVA ZDRAVSTVA ZA 2007.GODINU

Ministarstvo zdravstva u skladu sa svojim ovlastima utvrđenim Zakonom o ministarstvima i drugim organima uprave Tuzlanskog kantona, te smjernicama i zaključcima Vlade Tuzlanskog kantona svoje aktivnosti u 2007.godini, usmjerilo je na unapređenje zdravstvenog stanja stanovništva Tuzlanskog kantona, daljem unapređenju i racionalnoj organizaciji zdravstvenog sistema, kao i stvaranju okvira za efikasnije finansiranje, rekonstrukciju i opremanje zdravstvenog sektora.

Ministarstvo je obavljalo upravne i druge stručne poslove iz svoje nadležnosti u okviru organizacionih jedinica u skladu sa Pravilnikom o unutrašnjoj organizaciji. Važno je napomenuti da je u periodu do decembra 2007.godine, u Ministarstvu zdravstva bilo osam uposlenih i to tri službenika i pet namještenika.

I. ZDRAVSTVENA ZAŠTITA I ZDRAVSTVENO OSIGURANJE

U toku 2007. godine redovno je praćeno stanje u oblasti zdravstvene zaštite i zdravstvenog osiguranja i preduzimane su mjere potrebne za normalno funkcionisanje sistema.

Nadzor nad kretanjem zaraznih bolesti na TK

Ministarstvo zdravstva je redovno pratilo kretanje zaraznih bolesti i epidemiološku situaciju i po potrebi predlagalo mjere za sprečavanje i suzbijanje bolesti. U tom smislu je učestvovalo u nabavci vakcine protiv gripa za hronične bolesnike i stara lica preko 65 godina i pratilo kretanje gripa na Tuzlanskom kantonu.

Osim redovnih aktivnosti zdravstvenih ustanova, koje se provode u okviru Nacionalnog programa za tuberkulozu vođene su i posebne aktivnosti na suzbijanju tuberkuloze u kampu Duje u Doboj Istoku i pružena je pomoć u koordinaciji kantonalnih koordinatora za tuberkulozu.

Provođenje posebnih mjera u uslovima ekstremno visokih temperatura

U periodu ekstremno visokih temperature koje su pogodile naše područje provođene su vanredne mjere koje je definisalo Federalno ministarstvo zdravstva. U cilju obezbjeđenja provođenja mjera Ministarstvo zdravstva je obavezalo zdravstvene institucije na Tuzlanskom kantonu na organizovanje zdravstvene zaštite u skladu sa navedenim mjerama.

Nadzor na radom ustanova iz oblasti zdravstva

Ministarstvo je i u 2007. godini pratilo izvještaje o radu Zavoda zdravstvenog osiguranja Tuzlanskog kantona i UKC-a i iste upućivalo u proceduru usvajanja prema Vladi i Skupštini Tuzlanskog kantona u skladu sa Programom rada dok je izvještaj Zavoda za javno zdravstvo TK razmatran u Ministarstvu.

Evaluacija programa zdravstvene zaštite stanovništva Tuzlanskog kantona, čija implementacija je počela u 2007. godini, razmatrana na tematskoj sjednici Ministarstva zdravstva, Zavoda zdravstvenog osiguranja i Zavoda za javno zdravstvo sa menadžmentom zdravstvenih ustanova primarne zdravstvene zaštite Tuzlanskog kantona i ocijenjena je kao dobar osnov za evaluaciju do definisanja konačnog modela.

Uspostavljen je sistem koordinacije članova upravnih odbora u javnim zdravstvenim ustanovama Tuzlanskog kantona imenovanih ispred Ministarstva zdravstva u periodu štrajka zdravstvenih radnika, sa zaključkom da se koordinacija nastavi redovno i u narednom periodu.

Snadbijevanje lijekovima stanovništva Tuzlanskog kantona

Redovno su provođenje aktivnosti za adekvatno osiguranje lijekova sa Liste esencijalnih lijekova u periodima kad je dolazilo do poremećaja u snadbijevanju i provđene mjere za povlačenja lijekova iz prometa po nalogu Federalnog ministarstva zdravstva.

Pokrenute su aktivnosti na usaglašavanju Liste esencijalnih lijekova koji se izdaju na teret sredstava Zavoda zdravstvenog osiguranja Tuzlanskog kantona sa Listom esencijalnih lijekova neophodnih za osiguranje zdravstvene zaštite u okviru standarda obaveznog zdravstvenog osiguranja u Federaciji Bosne i Hercegovine.

II. *NORMATIVNA I ANALITIČKO- INFORMATIVNA DJELATNOST*

Ministarstvo zdravstva je u 2007. godini pripremlilo i dostavilo Vladi i Skupštini Tuzlanskog kantona slijedeće dokumente:

- *Odluku o utvrđivanju osnovica, stopa i načinu obračuna i uplate doprinosa za obavezno zdravstveno osiguranje na području Tuzlanskog kantona.*

- *Uredbu o obimu i načinu ostvarivanja prava na ortopedska i druga pomagala i endoproteze.*

- *Analizu zdravstvenog stanja stanovništva Tuzlanskog kantona u 2006. godini*

Analiza zdravstvenog stanja stanovništva je prezentirana kroz dokument „Zdravstveni sistem Tuzlanskog kantona i indikatori zdravlja za 2006. godinu“ koji sadrži sve bitne elemente za ocjenu stanja zdravlja populacije i planiranje i programiranje zdravstvene zaštite u skladu sa potrebama.

- *Izveštaj o stanju hitne medicinske pomoći na području Tuzlanskog kantona sa prijedlogom mjera.*

U cilju realizacije Zaključka Skupštine Tuzlanskog kantona i provođenja Inicijative sa 51. sjednice Skupštine Tuzlanskog kantona održane u 2006. godini, vezano za adekvatnu primjenu Odluke o standardima i normativima zdravstvene zaštite iz obaveznog zdravstvenog osiguranja koja se odnosi na službu hitne medicinske pomoći, Ministarstvo zdravstva je formiralo Komisiju za ocjenu funkcionisanja i organizacije hitne medicinske pomoći na području Tuzlanskog kantona sa zadatkom da utvrdi stanje kadra, prostora i opreme hitne medicinske službe u domovima zdravlja na Tuzlanskom kantonu, organizaciju hitne medicinske službe, način funkcionisanja, koštanje u sadašnjim uslovima organizacije i kvalitet pružene zdravstvene usluge, te predloži mjere kojima bi se unaprijedila hitna medicinska pomoć na području Kantona. Komisija je nakon izvršenog zadatka pripremlila i usvojila Izveštaj o stanju hitne medicinske pomoći na području Tuzlanskog kantona sa prijedlogom mjera.

U okviru programskih aktivnosti za 2007. godinu uspješno je pripremljen, prezentiran i prihvaćen na Vladi Izveštaj o stanju hitne medicinske pomoći na području Tuzlanskog kantona sa prijedlogom mjera, koji promovira novu, održivu organizaciju ove službe na području Tuzlanskog kantona sa ciljem da kroz integrativne procese neminovno obezbijedi stvaranje kontinuirane, kvalitetne, efikasne, racionalne i visokosofisticirane Hitne medicinske pomoći.

U Izvještaju Komisija je zaključila da postojeća organizacija hmp i kapaciteti kojima raspolažu domovi zdravlja ne zadovoljavaju potrebe stanovništva Tuzlanskog kantona te je pripremljen Akcioni plan unapređenja hitne medicinske pomoći koji sadrži novu organizaciju i potrebe da se postignu zacrtani ciljevi.

- Informaciju o obezbjeđenju rezerve krvi za potrebe liječenja građana Tuzlanskog kantona u 2007. Godini sa osvrtom na status dobrovoljnih davalaca krvi i mogućnosti obezbjeđenja krvi kao lijeka

Ovu Informaciju je Ministarstvo radilo konsultujući sve relevantne institucije i organizacije sa ciljem da sagleda stanje u ovoj oblasti i predloži adekvatan projekat mjera i postigne cilj povećanja broja dobrovoljnih davaoca krvi na Tuzlanskom kantonu. Koristili smo podatke Zavoda za transfuziologiju UKC-a Tuzla, Kantonalnog Crvenog križa, Općinskih organizacija Crvenog križa i udruženja dobrovoljnih davalaca krvi. Predloženi plan unapređenja prikupljanja krvi putem dobrovoljnog davanja sadrži mjere i aktivnosti koje mogu unaprijediti ovu oblast kao inosioce i rokove.

- Izvještaj o snabdjevenosti lijekovima na području Tuzlanskog kantona sa posebnim osvrtom na ostvarivanje prava na lijekove sa Liste esencijalnih lijekova

Snadbijevanje i korištenje lijekova je aktuelno pitanje kako razvijenih zdravstvenih sistema tako i onih u razvoju. I najbogatije zemlje se svijeta suočavaju se sa problemom kako finansijski pratiti razvoj tehnologije, pojavu novih i skupih farmaceutskih preparata, te kako odgovoriti na sve agresivniju promociju od strane farmaceutske industrije koja postaje jedna od najmoćnijih grana industrije u svijetu. Mogućnosti medicine su sve veće i nijedno društvo nije u stanju platiti koliko medicina može pružiti.

Ministarstvo je u Izvještaju prezentiralo stanje u ovoj oblasti i posebno je obradilo potrošnju lijekova sa Liste esencijalnih lijekova. Razmotreni su i razlozi nedostatka recepata kao i povremenog nedostatka određenih lijekova sa Liste u prometu.

U prijedlogu mjera su definisane obaveze u narednom periodu nadležnih institucija kako bi se određeni problemi prevazišli a stanje u ovoj oblasti unaprijedilo.

- Izvještaj o izvršenju Finansijskog plana Zavoda zdravstvenog osiguranja TK za 2006.godinu.

- Izvještaj o obračunu sredstava u zdravstvu na području Tuzlanskog kantona za 2006.godinu,

- Izvještaj o izvršenju Finansijskog plana Zavoda zdravstvenog osiguranja TK za I-VI 2007.godinu, sa izvještajem o rashodima-izdacima za Program lijekova za period januar- juni 2007.godine.

- Izvještaj o radu i poslovanju Javne zdravstvene ustanove Univerzitetski klinički centar Tuzla za period I-XII 2006. godine sa Izvještajem o stručnom usavršavanju zaposlenika JZU UKC Tuzla u 2006.godin.i

- Smjernice za izradu finansijskog plana Zavoda zdravstvenog osiguranja Tuzlanskog kantona za 2008.godinu

- Finansijski plan Zavoda zdravstvenog osiguranja Tuzlanskog kantona za 2008.godinu sa Operativnim programom zdravstvene zaštite i zdravstvenog osiguranja za 2008.godinu

III. UČEŠĆE U REALIZACIJI PROJEKATA FEDERALNOG MINISTARSTVA ZDRAVSTVA

Jačanje zdravstvenog sektora (Health Sektor Enhancement Projekt – HSEP)

U 2007.godini, nastavljene su aktivnosti na realizaciji Projekta „Jačanje zdravstvenog sektora“ koji je namijenjen razvoju porodične medicine u cijeloj Federaciji što uključuje opremanje ambulanti porodične medicine ili njihovu rekonstrukciju. Formirana je Grupa za podršku realizaciji ovog projekta. Aktivnosti su bile intenzivne tokom cijele godine.

Na području našeg Kantona završeni su radovi na rekonstrukciji i 19 ambulanti i ukupna vrijednost izvedenih radova je 500.810,04 KM. Za ove namjene, izdvojena su sredstva iz Budžeta Tuzlanskog kantona za 2007.godinu, u iznosu od 147.830,00KM.

Utvrđena je Lista ambulanti porodične medicine za 2007. godinu, za koju se realizacija rekonstrukcije i opremanja planira u 2008. godini.

Unapređenje oralnog zdravlja djece prvih razreda osnovnih škola u Federaciji Bosne i Hercegovine

Javne zdravstvene ustanove primarne zdravstvene zaštite sa područja Kantona aktivno su uključene u realizaciju projekta Unapređenja oralnog zdravlja koji se finansira iz sredstava Federalnog fonda zdravstvenog osiguranja i reosiguranja. Ministarstvo zdravstva je pratilo aktivnosti implementacije Projekta u školskoj 2006/2007 kao i obezbjeđenju podataka o broju upisane djece u školsku 2007/2008 godinu po općinama na Tuzlanskom kantonu, sa ciljem pripreme Projekta za 2008. godinu.

Centri za mentalno zdravlje – dosadašnji razvoj, prepreke i planovi za budućnost

Vođene su aktivnosti na utvrđivanju načina organizacije i funkcionisanje CMZ, popunjenosti timova, usluga koje tim pruža pacijentima, dosadašnjih preventivnih aktivnosti u zajednici, saradnja sa porodičnom medicinom.

Program poboljšanja kvaliteta i akreditacije zasnovan na akreditacijskim standardima za porodičnu medicinu

U sklopu aktivnosti učešća u realizaciji programa zasnovan na akreditacijskim standardima za porodičnu medicinu, sa područja našeg kantona obezbijedeno je učešće za osoblje domova zdravlja Tuzla i Kladanj i pripadajućih pilot timova porodične medicine, kao i za predstavnike lokalnih bolnica – UKC Tuzla na radionici pod nazivom „Sučelje između primarne i bolničke zdravstvene zaštite“.

Projekat SITAP

U okviru SITAP projekta koji se vodi u saradnji sa Svjetskom bankom, aktivnosti su vođene oko uključenja kliničara iz zdravstvenih ustanova Tuzlanskog kantona na izradi kliničkih puteva kao i pripremi za njihovu implementaciju i evaluaciju.

IV. OSTALE AKTIVNOSTI

1. Edukacija kadrova u oblasti zdravstva i upravljanje kadrovskim potencijalom

Osim redovnih aktivnosti praćenja i unaprjeđenja kvaliteta rada i zdravstvenim ustanovama koje su nastavnonaučna baza za Medicinski fakultet i Visoku zdravstvenu školu, Ministarstvo je tokom 2007. godine vodilo aktivnosti i na sljedećem:

Porodična medicina

U toku realizacije projekta Jačanja zdravstvenog sektora prate se potrebe za kadrom iz oblasti porodične medicine (specijalizacije i PAT program edukacija). U ovom smislu Ministarstvo je vodilo aktivnosti koordinacije i izvještavanja zdravstvenih ustanova primarne zdravstvene zaštite i utvrđivanje potreba pojedinih domova zdravlja za ovim profilom kadra u cilju koordinirane aktivnosti rekonstrukcije ambulanti i opremanja istih. U obavezi smo bili kao i ranijih godina da izvijestimo zdravstvene ustanove o konkursu za specijalizaciju iz porodične medicine i uslovima konkursa.

Specijalizacije zdravstvenih radnika

Kao i svake godine i u 2007. godini Ministarstvo zdravstva je pripremalo Prijedlog plana specijalizacija i subspecijalizacija zdravstvenih radnika i saradnika za Tuzlanski kanton, na osnovu prijedloga Zavoda za javno zdravstvo i potreba zdravstvenog sistema.

Posebne edukacije

Aktivnost koja je vođena od strane Ministarstva u prethodnoj godini je i posredovanje kod obezbjeđenja posebnih edukacije i specijalizacije koje podrazumijevaju uključivanje afirmisanih naučnika iz oblasti hirurgije, onkologije, gastroenterologije i interventne radiologije u program postdiplomskog studija u novoosnovanoj Školi hirurške onkologije u Bukureštu, i pripreme aktivnosti za edukaciju stručnjaka iz oblasti onkologije u Italiji i Sloveniji. Takođe su se intenzivno vodile aktivnosti podrške projektima edukacije kadrova iz oblasti palijativne njege.

2. Učešće u projektima sa stranim partnerima i međunarodna saradnja

Predstavnik Ministarstva zdravstva Tuzlanskog kantona, je u okviru Tempus projekta: UM_JEP-41055-2006(BA) „**The Role of stakeholders in quality assurance procedures at BiH Medical faculties**“ bio uključen u realizaciju projekta osiguranja kvaliteta na Medicinskim fakultetima u Bosni i Hercegovini. Projekat se nastavlja i u 2008. godini.

Ministarstvo zdravstva je tokom aprila i maja uspješno vodilo aktivnosti sa predstavnicima italijanske regije Friuli Venezia Giulia (FVG) o potpisivanju sporazuma između ove Regije i Tuzlanskog kantona. Ostvarena je posjeta delegacije regije FVG Tuzlanskom kantonu i u razgovorima sa predstavnicima Vlade i Skupštine TK, Univerzitetom u Tuzli i UKC-om Tuzla usaglašeni su elementi Operativnog protokola kao osnove za potpisivanje sporazuma. Ovom saradnjom otvara se prostor za edukaciju stručnjaka iz oblasti zdravstva naročito u oblasti

onkologije te podrška Ministarstvu zdravstva i Ministarstvu za rad i socijalnu politiku u planiranju i programiranju zdravstvene i socijalne politike i prezentacija zajedničkih projekata.

Predstavnici Ministarstva zdravstva i UKC- a su u okviru saradnje sa Regijom FVG bili učesnici Prvog međunarodnog kongresa Onkološkog referalnog centra Aviano/Jugoistok evrope.

3. Organizovanje stručnih savjetovanja

Ministarstvo zdravstva je u saradnji sa Ministarstvom prostornog uređenja i zaštite okolišne u decembru mjesecu organizovalo jednodnevni seminar o zbrinjavanju medicinskog otpada za institucije zdravstvene zaštite na Tuzlanskom kantonu. U pripremnim aktivnostima za održavanje seminara utvrđeno je i stanje u ovoj oblasti za koje se može reći da nije zadovoljavajuće te su obavezane zdravstvene ustanove i sanitarne inspekcije da u oblasti zbrinjavanja medicinskog otpada preduzmu konkretnije mjere za poboljšanje stanja i sigurnosti pruženih zdravstvenih usluga kao i zdravlja građana i zaštite okolišne.

4. Saradnja sa nevladinim sektorom, udruženjima građana

Saradnja sa nevladinim sektorom je bila intenzivna i odnosila se na preventivne programe, akcije podizanja svijesti građana o aktuelnim zdravstvenim problemima, prevenciji bolesti ovisnosti i rehabilitaciji i resocijalizaciji ovisnika.

Udruženja oboljelih lica od raznih bolesti su se obraćala ministarstvu zdravstva sa različitim zahtjevima u smislu podrške određenim projektima, unapređenja organizacije zdravstvene zaštite, obezbjeđenja određenih lijekova itd. Ministarstvo je vodilo dosta aktivnosti na tom planu omogućavajući da se svi realni zahtjevi realiziraju i olakša pružanje zdravstvene zaštite i unaprijedi preventivna zdravstvena zaštita.

U oblasti zdravstvene zaštite imali smo iskustvo i dobre primjere rješavanja pitanja zdravstvene zaštite Roma te smo aktivno učestvovali u kreiranju Akcionog plana zajedno sa vladinim i nevladinim sektorom. Predstavnik Ministarstva zdravstva Tuzlanskog kantona je odabran sa kantonalnog nivoa da učestvuje u izradi Akcionog plana za rješavanje problema Roma na nivou Bosne i Hercegovine.

Takođe smo bili u prilici i da damo svoje mišljenje o Akcionom planu u javnoj raspravi. Predložili smo da se dijelu obezbjeđenja sredstava za osiguranje prava na zdravstvenu zaštitu za sve pripadnike romske nacionalne manjine, koji nisu osigurani po drugom osnovu, izvrši pravična raspodjela opterećenja na svim nivoima jer je neprihvatljivo da najveći teret podnose kantoni.

5. Zajedničke aktivnosti sa drugim resorima na nivou kantona

Zajedničke aktivnosti su vođene sa Ministarstvom za rad i socijalnu politiku, Ministarstvom obrazovanja, Ministarstvom unutrašnjih poslova i Ministarstvom pravosuđa na pripremi Programa prevencije bolesti ovisnosti. Zatim su vođene aktivnosti sa Ministarstvom obrazovanja na pripremi Pravilnika o polaganju stručnog ispita lica koja su završila Rehabilitacijsko edukacijski fakultetet, sa Ministarstvom zaštite okolišne oko zbrinjavanja medicinskog otpada, Ministarstva poljoprivrede, šumarstva i vodoprivrede oko zoonoza.

6. Mreža primarne zdravstvene zaštite i zdravstvenih ustanova primarne zdravstvene zaštite

U 2007. godini Ministarstvo je intenzivno vodilo aktivnosti na pripremi Mreže primarne zdravstvene zaštite i zdravstvenih ustanova primarne zdravstvene zaštite u na Tuzlanskom kantonu

Dokument Mreža zdravstvene djelatnosti i zdravstvenih ustanova primarne zdravstvene zaštite u Tuzlanskom kantonu je strateški dokument primarne zdravstvene zaštite i kao takav pripremljen je u 2007. godini sa ciljem da se stavi u proceduru po programu rada Vlade i Skupštine u 2008. godini. Donošenje Mreže prati i reformske aktivnosti u oblasti primarne zdravstvene zaštite, koje se prema strategiji razvoja zdravstva i projektu jačanja zdravstvenog sektora trebaju okončati do 2010. godine.

U skladu sa reformskim opredjeljenjima u oblasti primarne zdravstvene zaštite cilj je da se primarna zdravstvena zaštita bazira na instituciji porodičnog ljekara, te su uvaženi standardi i parametri koji definišu ovu oblast (Odluka o standardima i normativima zdravstvene zaštite iz obaveznog zdravstvenog osiguranja („Službene novine Federacije Bosne i Hercegovine“, broj 5/03 i 18/04)).

Vanbolnička specijalističko-konsultativna i vanbolnička dijagnostička zaštita su svrstani u primarnu zdravstvenu zaštitu, te su prilikom izrade Mreže zdravstvene djelatnosti i zdravstvenih ustanova primarne zdravstvene zaštite u Tuzlanskom kantonu korišteni standardi i normativi za ovu djelatnost.

Na području gdje se ne može ostvariti puni tim po standardima i normativima planirani su zajednički timovi za više opština.

Hitna medicinska pomoć se organizuje u skladu sa Izvještajem o stanju hitne medicinske pomoći na području Tuzlanskog kantona sa prijedlogom mjera, koji je Skupština Kantona prihvatila Zaključkom broj 01-02-405-2/07 od 13.06.2007. godine .

Za potrebe djelatnosti medicine rada predviđeno je 10, i to: 5 timova specifične zdravstvene zaštite radnika, 2 tima specijalističko-konsultativne zdravstvene zaštite medicine rada i 3 tima javnozdravstvene djelatnosti medicine rada, do formiranja Zavoda za medicinu rada.

Za potrebe Poliklinike za sportsku medicinu u Domu zdravlja Tuzla, u Mreži su planirana 3 tima koji će pružati usluge za cijeli Kanton, jer su prostorno i kadrovski obezbijeđeni.

U oblasti patologije sluha, glasa i govora, prema standardima i normativima, planirano je ukupno 6 timova od čega 4 logopeda i 2 surdoaudiologa, koji će pružati usluge za stanovništvo Tuzlanskog kantona, obzirom da su već kadrovski i prostorno opremljeni.

7. Štrajk zdravstvenih radnika

Od 16.04.2007. godine, na području Federacije BiH zaposleni u zdravstvu su stupili u generalni štrajk, te su Ministarstvo i Vlada TK intenzivno vodili aktivnosti na rješavanju ovog problema.

Urađena je Elaboracija prijedloga Kolektivnog ugovora o pravima i obavezama poslodavaca i zaposlenika u oblasti zdravstva na teritoriji F BiH, sa pravnog i finansijskog aspekta sa prijedlogom mjera, koja je dostavljena Skupštini TK na razmatranje.

Na prijedlog ministarstva Vlada Tuzlanskog kantona je na Vanrednoj sjednici održanoj 18.05.2007. godine, donijela određene Zaključke i Odluke, čime su ispunjeni dogovori postignuti sa Sindikatom zaposlenih u zdravstvu TK, što je rezultiralo donošenjem Odluke od strane Sindikata, da Sindikat radnika zaposlenih u zdravstvu Tuzlanskog kantona prelazi iz Generalnog

štrajka u Štrajk solidarnosti što podrazumijeva da će se od 22.05.2007.godine, na području Tuzlanskog kantona pacijentima pružati usluge u punom obimu.

Važno je napomenuti da je Tuzlanski kanton prvi u Federaciji BiH uspio iznaći rješenje za ovaj problem.

22.07.2007.godine uz saglasnost Vlade potpisan je sporazum između Ministra zdravstva Tuzlanskog kantona i Nezavisnog strukovnog sindikata radnika zaposlenih u zdravstvu TK čime je štrajk zdravstvenih radnika okončan.

8. Ostalo

Zbog prisutnih problema u pružanju laboratorijsko-dijagnostičkih usluga osiguranim licima na području Tuzlanskog kantona, Ministar je imenovao Komisiju sa zadatkom da uradi analizu stanja laboratorija u svim zdravstvenim ustanovama (kadrovsku i materijalno tehničku opremljenost).

Na osnovu urađene anlike, utvrđena je struktura laboratorijske dijagnostike po nivoima zdravstvene zaštite (primarni, sekundarni i tercijarni nivo).

U skladu sa Pravilnikom o osposobljavanju pružanja prve pomoći („Službeni glasnik Bosne i Hercegovine“, broj 13/07), donesenim na osnovu Zakona o osnovama sigurnosti saobraćaja na putevima („Službeni glasnik Bosne i Hercegovine“ broj 6/06 i 75/96), utvrđeno je pravo i obaveza tijela nadležnih za zdravstvo da rješavaju po zahtjevima organizacija Crvenog križa za odobravanje obavljanja poslova osposobljavanja i pružanja prve pomoći. U cilju realizacije date obaveze ministar zdravstva je obrazovao stručnu komisiju čiji je zadatak bio da pregleda zahtjeve za odobravanje obavljanja poslova osposobljavanja pružanja prve pomoći i da na licu mjesta izvrši uviđaj, o izvršenom uviđaju sačini zapisnik i konstatuje da li su ispunjeni uvjeti propisani navedenim Pravilnikom.

Tokom mjeseca maja, komisija je izvršila obilazak organizacija Crvenog križa svih 13 općina Tuzlanskog kantona, postupila u skladu sa Rješenjem o obrazovanju Komisije, a postupak je okončan donošenjem rješenja.

Ministarstvo je u kontinuirano obavljalo upravno-pravne opće i finansijske poslove.

U upravnom postupku doneseno je 239 rješenja o odobravanju polaganja stručnog ispita za zdravstvene radnike VŠS i SSS, 42 rješenja koja se odnose na obavljanje privatne prakse u zdravstvenoj djelatnosti, 6 rješenja o snitarnoj saglasnosti i izdato 277 uvjerenja.

Provedeni su i postupci po javnim oglasima za izbor članova Upravnih odbora u Zavodu zdravstvenog osiguranja Tuzlanskog kantona i Zavodu za Javno zdravstvo Tuzlanskog kantona.

MINISTAR ZDRAVSTVA
Dr. Asim Musić